

DEO OPTIMO MAXIMO VNI ET TRINO, VIRGINI DEIPARÆ
ET SANCTO LVCAE ORTHODOXORVM MEDICORVM PATRONO.

QVÆSTIO MEDICA,
QVOD LIBETARIIS DISPUTATIONIBVS MANE DISCVTIENDA
IN SCHOLIS MEDICORVM, DIE IOVIS XXIX. DECEMBRIS,
M. HELIA BEDA DES FOVGERAIS, Doctore Medico, moderatore.

An rara roboris & ingenij concordia?

TEMPERAMENTVM est ingenta nobiscum qualitas, ex mutua elementorum actione perfectioneque proueniens actionis causa: quod ut omnium partium inculpatas efficit actiones, si conuenientem humanæ naturæ viribus proportionem fortitur, sic ipsius actionibus obstitit, si paululum à naturali norma deflexerit: huius imperium non solis corporis limitibus coercetur, sed ad principes animæ facultates (sedibus nūquam distinctas) extenditur, & cum qualitatibus, ex quibus temperamentum nascitur, aliæ imaginatrici, recordatrici aliæ, aliæ intelligenti conducant, pro vario earum excessu, ea facultas perficitur, quæ hanc vel illam temperiem ad functiones requirit: hinc phantasia tantò præstantior, quantò mollior & calidius cerebrum nata fuerit: eò memoria felicior, quò illius substantia temperatior & firmiter extiterit, nec facultatum varietas ex animæ essentia, vel ex similitudine substantiæ, sed varia cerebri constitutione desumitur.

MIRA Naturæ solertia, quæ sublunaribus quibuscunque eadem largiendo primordia, ignem, aërem, aquam, atque tertiam, horum tamen qualitates (licet summum sui generis gradum impleant in quolibet ipsorum elemento) tam varia societate copulauit, ut ex iis mixta penè infinita promanarint, & in vna hominum specie, tam ingratos, calidi, frigidi, humidi, atque siccæ vires temperauit, ut diuersis indiuiduis diuersos mores, diuersaque ingenia fuerit impertita, pro variâ mixtione vtriusque seminis animati, sibi proprium domicilium fabricantis, & sanguinis menstrui solâ quantitate peccantis, & tunc sit, *quod sit μέγεθος αὐτῆς τῆς γενεᾶς τοῦ ἑκάστου τῆς γενεᾶς τοῦ αὐτοῦ*. Ecce melancholici statura breuiori mediocrius carne præditi, robustissimi sunt, pigro ingenio, minusque promptâ memoriâ, sed præteritorum recordatione cæteris præstant: difficile res arduas suscipiunt, sed quas susceperint, peracriter exequuntur. Biliosi quorum corpus gracile, promptissimi sunt & loquacissimi, salubris quidem referti, sed obliuiosi, temerarii, iracundi, in affectibus violenti, mutationi obnoxij, omnia facillè suscipiunt & leui de causâ deficiunt à proposito, sanguinei pilis abundant, mediocri sunt corporis habitu, colore florido, cute molli, discreti admodum, memoriâ mediocri, vtque mares fecundissimos, sic feminas multiplici luxuriantes partu progenerant: nec tamen iis inde vita breuior, aut accelerata senectus accedit, in quibus ne mola quidem sine virili semine generari potest, nec parienti tempus definitum: pituitosi quibus magnam, & obesum præ frigore & humore corpus, inconstanti sunt & hebeti memoriâ, sed labili, simplices, ignaui, minime ad iracundiam proni, quique ad quodlibet negotium vix sese nisi moniti sapius accingant.

ROBVR δύναμις τῆς κατὰ ἑστέρας αἰς ἐξέταται, in partium firmitudine, musculorum & neruorum valida constitutione positum: quorum ope grauius quæque corpora loco dimouentur, aut coherencia firmiter à se inuicem diuelluntur: ad eam ut accedunt minimè, quibus imperat pituita, sic maximè quibus humor melancholicus neruis & ossibus (quæ præcipua sunt roboris firmamenta) nutriendis aptissimus dominatur. Hinc mulieres viris minus robustæ, minusque calidæ, animaliaque ea quæ melancholica, puta boues, tauri cæteraque familia roboris primatenent: quorum ut caro, firmando corpori non parum conducit, sic fossorum, athletarum, cæterorum qui roboris specimen aliquod exhibebant, familiaris cibus semper fuit: qui tamen, ut crassiores, nec facillè dissipabilem substantiam, sic affectus melancholicos sæpius inducit, quamquam multum attenuatus per venas lacteas, ab antiquis incognitas: Milonis Crotoniatæ ferunt humeris, multoties bouem impositum, & à Tritano gladiatore sæpius vno digito victum hostem eodem in castra translatum: sed quid de leuibus homo superbiat? corporis robur taurorum & elephantum virtus est non hominum, ut quæ leui morbo dilabatur, sic post summi vigoris ætatem sponte deteruescit.

OMNIVM animæ partium princeps ac regina mens est, quâ prædictus homo cæteris animantibus antecellit, cuius ope res incorporeas & à materiæ commercio seiunctas, sine vlla instrumenti corporei necessitate contemplatur: est autem ingenium ea mentis acies, quæ latentissimos rerum scientiarumque recessus citissimè peruadit: ad illud formandum multum natura facit, parum educatio: huius nunquam malignitas labore vincitur: pituitâ, & polyemâ (quam sæpè sensuum torpor & stoliditas comitantur) hebetatur: subtiliore bilis portione non inuatur tantum, sed si mediocri sanguinis laudabilioris portione, coniungatur, absoluitur. Acutum ingenium, ut felix memoria, sic roboris præstantia rarò sequitur: licet à diuturniore vita non sit alienum: prudentes melancholia non ingeniosos facit; senilemque ætatem perficit, ut florentem accelerata nimium sapientia, contaminat, in qua, ut multa æstuantque bilis cumulat, sic ingenio subtiliori locum præbet, & nouorum inuentorum copia scientiis, & artibus, ut lumen maximum, sic non mediocrem perfectionem largiunt.

FORTVNATI, quibus ingenio simul & robore valere licet: vtrumque in eodem homine repetiri, rebus humanis impositæ leges; obstitunt: Nimio plerumque membrorum robore vigor mentis hebescit: Naturâ vtriusque boni largitionem abnuente. Scytharum natio quæ robustissimos genuit, vix vnum Anacharsim Philosophum vidit: multis fortis dextera concessa est, qui bellum sine mente gerunt: magnâque spirituum terrestrium copiâ, quæ neruis & musculis vigorem impertit, obtunditur animus, non inuatur: inde quò magis roborando corpori, per immodicæ cibi potusque varietates studebis, ingenij vires franges, & quò plus vnius largieris commodo, tantò magis alteri detrahes: contrâ verò corporis inediâ languoreque confectis nouus ingenio vigor accedit: cuius eò magis virtus efflorescit, quò vires alterius deflorescunt: non omnis tellus fert omnia, alij aliis rebus nati sumus: nonnulli solis corporeis rebus idonei sunt: multi contra corpore nimis valido perspicacioris ingenij dotibus informantur:

Ergo rara roboris & ingenij concordia?

Proponebat Lutetiæ TVSSANVS FOVCAVLT, Parisinus. A. R. S. H. M. DC. XLIV.

DOMINI DOCTORES DISPUTAVRI.

M. Franciscus Pajot.
M. Florimundus Langlois.
M. Claudius le Vasseur.

M. Dionysius Iougeon.
M. Iacobus Ganois.
M. Michael Mares.

M. Ioannes Bourgeois.
M. Maurus de Montrail.
M. Claudius de Pois.

